



**TERTIB ACARA MODEL D KEBAKTIAN MINGGU
GKPS P.BULAN-RESORT POLONIA MEDAN
MINGGU 12 DOB TRINITATIS, 07 SEP 2025**



TOPIK: "Patorsahon Parlahou ampa Pambahenan"

1. Votum – Introitus – Tonggo

P : Riap ma hita jongjong!

: Ibagas goran ni Naibata Bapa, pakon Tuhan Yesus Kristus ampa Tonduy Na Pansing, Sitompa langit pakon tanoh on. Amen.

Domma ipabotohkon bam ale jolma, barang aha na madear ampa barang aha na pinindahan ni Jahowa humbam, aima na mangkorjahon hasintongan ampa na mandalankon halayakon anjaha na marparlahou ibagas toruh ni uhur i lobei ni Naibatamu (*Mika 6:8*).

K : (Mandodingkon) Hal 404:1 (do =f) ;

1. Ganup ari do in, ronsi tahun hu tahun,
Sihol do hudodingkon Goran mu.
Ham Tuhan Naibata, sai hupuji do Ham,
halani haganup layak-Mu.
Ham arta naharga, poltik hujolom in,
humbani nahinan Ham do tong Naibatangkin.
Bonani na dear, ronsi sadokah nin.
Panondang na liar, bai ganup nagolap in.

P : Martonggo ma hita!

Ham Tuhan Naibata, pargogoh na so tarimbang janah paridop ni uhur na tarsulur. Ihasiholhon uhur-Mu do manggoluh hanami ibagas hatuahon-Mu. Domma bagei dalan ibahen Ham mamuhoi uhurnami ase itandai hanami harosuh ni uhur-Mu. Martoruh ni uhur do hanami nuan mangindo hu Bam, bere Ham ma Tonduy-Mu Na Pansing in bannami, ase porsaya hanami bani holong-Mu na gabe harorohan ni malas ni uhur pakon hatuahon. Marhitei Jesus Kristus Tuhannami jalo Ham ma tongonami. Amen. (*hundul kuria*)

2. Mandoding Hal. No. 407. Puji ma Jahowa (1-3)

1. Puji ma Jahowa Tuhan Naibata, ai marjumbalang do Goran-Ni in Haganupan jolma sai marsombah ma, sai hagoluhkon hata-Ni in Holsoh haganupan mambur, tubuh ma malasni uhur
Gok bai pangarapan holong na totap, rap mangolobkon Goran-Ni in

2. Ningon do marsombah bani Naibata, puji ma la pargogoh do in Ulang marnaloja sai irikkon ma, rap mambalosi hata-Ni in Holsoh haganupan mambur, tubuh ma malasni uhur
Gok bai pangarapan holong na totap, rap mandodingkon: Haleluya!

3. Hasasapan ni Dousa

P : Riap ma hita jongjong! Martonggo ma hita, sopotkon hita ma dousanta hubani Tuhan Naibata!

Ham Tuhan Naibata, paridop ni uhur anjaha parholong ni atei hubannami jolma pardousa on. Domma ihatahon Ham hu bannami, ase ihaholongi hanami hasomannami doskon dirinami. Hape bani pargoluhannami ari-ari, gati do seng jumpah Ham in humbannami. Gati do hanami mardomdom, marsubil ronsi marmapas ni uhur dompak hasomannami. Hurang do homa hanami palumbahon hasoman, bani parlahou na hurang dompak Ham. Age kuria-Mu pe, gati do lang ihaholongi hanami humbani uhur na borsih. Gati lang marpangguruan hubani harosuh ni uhur-Mu hanami, laho mandalankon tanggungjawabnami i tongah-tongah ni kuria-Mu, gabe harosuhnami sandiri hansa idalankon hanami. Na roh do hanami hu lobei-Mu mansopotkon dousanami, holong ma atei-Mu, marpangulaki ma uhur-Mu mangidah hanami, sasap Ham ma haganup dousanami in, ibagas goran ni Anak-Mu Jesus Kristus sihopkop hanami. Amen.

P : Tangar anjaha haporsayai hita ma Hata ni Naibata, bagah-bagah pasal hasasapan ni dousa.

Idop ni uhur-Ni Jahowa do na so ra marpunsa, seng marnarotap holong ni atei-Ni. Mulak ratah do ai siap sogod, banggal do habonaron-Mu. (*Tangis-tangis 3:22-23*)

P : Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangapon ma bani Naibata i babou.

P/K : Amen!.

(*hundul kuria*)

4. Mandoding Hal. 341. Ari Namadeaar Tumang (1+3) do = f

1. Ari na madeaar tumang lao marayakkon Tuhan in
Hubaritahon Ham Tuhan bujur au mandalankon in
Tuahkin ari in sanggah isasap dousangkin
Ai ipatalar dalankin, janah iungkap uhurhin
Tuahkin ari in sanggah isasap dousangkin

3. Sai sonang do pangahapkon, anggo hujolom Hata-Niin.
Sai na totap do uhurhin, ai huhaposi Tuhankin.
Tuahkin ari in sanggah isasap dousangkin.
Ai ipatalar dalankin janah iungkap uhurhin.
Tuahkin ari in sanggah isasap dousangkin.

5. Mambasa Sibasaon

P: Tangar hita ma hata ni Naibata na tarsurat bani **Markus 8:34-38**Amen
Martuah do na manangar hata ni Naibata anjaha na marimbagashonsi!
K: Amen

6. Mandoding Hal. 107. Irikkon Nasiam ma Au (1+2+7) do = es

1. Irikkon nasiam ma Au, nai hatani Tuhanta
Sai parnalang ma dirimu, hatangku malah harga
Sai mambur bahenlah ganup, parlahoumin na so talup

2. Au do palihar dalanmin, na dompak hagoluhan;
Ai seng be kahou langkahmin, daoh pakon hamagouan.
Au parhiteian na bujur, bai hasonangan na botul!

7. Marmogah-mogah hita bei, lao mangihutkon Jesus.
dagingta 'ge tonduyta per tulakhon lah bai Jesus;
Ai na mangengkar Tuhan in, seng dapot hasonangan in.

7. Hata Haporsayaon

P : Riap ma hita jongjong! Saksihon hita ma haporsayaonta in, songon na
sinaksihonni haganup halak na porsaya i sab tanoh on.

P+K: Ahu porsaya bani Naibata Bapa, pargogoh na so tarimbang, na manompa
langit pakon tanoh on.

Ahu porsaya bani Jesus Kristus, Anak ni Naibata na sasada in, in do Tuhanta, na
tinubuhkon ni si Maria sanggah nape haliaban, marhitei Tonduy na Pansing, na

manaron na parngit, bani panorangni si Pontius Latus, iparsilangkon, matei anjaha
itanom, turun hu nagori toruh. Mulak manggoluh humbani na matei bani ari
patoluhon. Naik hu surga anjaha hundul i siamun ni Naibata Bapa, pargogoh na so
tarimbang in. Hunjai ma la mulak magira laho manguhumi halak na manggoluh
pakon na dob matei.

Ahu porsaya bani Tonduy Na Pansing, bani Kuria parsadaan na mapansing in,
parsaoran ni sagala na mapansing in, bani hasasapan ni dousa, bani parpuhoon ni
angkula, pakon bani hagoluhan na sadokah ni dokahni. Amen..(hundul kuria)

8. Mandoding Hal. 242. Ham Tuhan Jesus (1+2) do = es

1. Ham Tuhan Jesus Raja ni ganupan, tubuh humbai Bapa in
Haholonganku, sisombahonku, sahalak Ham do Tuhankin

2. Talun jenges do juma pe jenges do, na maratah-ratah in
Jesus tarlobih bai hajengeson, sibaen malas ni uhur in

9. Tingting + Tonggo Pangapition

10. Mandoding Hal. 337. Husombah Ham Tuhan (1-3) do=AS

1. Husombah Ham Tuhan tangihon au!
Sai uhur-Mu Tuhan pasaud Ham
Sai lambin tambah ma holongku hu Bamu
Sai tambah ma holong Bamu

2. Sanggah na kahou au, daoh hun Bamu.
Sai ipindah Ham, jumpah Ham au.
Halani in holong do, uhurhon Bamu.
Sai tambahma holong Bamu.

3. Sanggah tarsosak au, parngit tumang,
lapoh Ham do a, sonang tumang .
Haposankin do Ham, Ham Sipagoluh au.
Sai tambah ma holong Bamu.

11. *Ambilan: JEREMIA 18:1-11*

P : Mambasa teks iujungi ...amen

K : **Mandoding Hal.18:1**

Hata-Mu ale Tuhanku, arta siharganan ai.

Sai palongkot bai uhurhu, ulang lang hujolom ai.

Anggo seng be sijoloman, Hata na madear in.

Aha ma na baen onjolan, ni haporsayaonkin.

P : Marambilan... amen

K : **Mandoding Hal. 332:1**

Hata-Mu ale Tuhan, ondos ma bai uhurhon.

Sai margogoh ma tongon, pabayuhon goluhkon.

Sai patotap uhurhon, mambalosi Ham tongtong.

Sadokah ni goluhkon, hupasangap Ham tongtong.

P : Tonggo dob Ambilan

12. *Manggalang*

P: Paima iondoskon hita galanganta, tangar hita ma lobei hata ni Naibata na gabe onjolan banta laho manggalang aima na tarsurat bani **1 Kronika 29:14: “Ai ise ma ahu, anjaha aha ma bangsangkin, ase boi hanami margugu humbani nionjar ni uhur sonin? Ai marharorohan hun Bamu do ganup, anjaha na humbani tangan-Mu in do na binerenami in Bamu”**. Sonari ondoskon hita ma galanganta! *(diiringi musik/doding)*

492. *Hinorhon ni Hamajuon*

Hinorhonni hamajuonni jaman on,

buei tumang sihalilian in ijon.

Na gati mambahen taruyun hita on

Goluh na lang margagan tongon.

Halani in ulang tarbador hita on,

lansei ni uhur sai padaoh tongon.

Na pindahi ma pangabak na sintong.

Sai irikken ma Jesus tongtong.

Ibotoh Jesus aha na porlu bamu

asal ma ra hita marondos tong ijin.

Sai isarihon do голуhta haganup,

ronsi das bani ujugni.

Gepe mahol sipata pargoluhon on

anggo bai Jesus na urah do ganup in.

Ai gok kuasa-Ni do ganup tanoh on,

ise pag na mangulangi?

13. *Tonggo Panutup/Pasu-pasu*

P : Riap ma hita jongjong!

Martonggo ma hita mangondoskon galanganta hubani Naibata:

Ham Tuhan Naibata Bapanami, harohan ni haganup. Hun Bamu do harohan ni pasu-pasu hu bannami. Ibere Ham do bannami goluh ampa hagoluhan ari-ari. Ham Tuhan, ijon iondoshon hanami do hu Bamu goluh pakon pasu-pasu na dob binere-Mu in bannami. Sai lambin margogoh ma tongon hanami ihasomani idop ni uhur-Mu ampa pasu-pasu-Mu bani na mandalankon horjanami. Papansing Ham ma galangan na ginalangkonnami on gabe galangan na misbou i lobei-lobei-Mu, ase lambin ihargahon hanami tongon dear ni layak pakon pasu-pasu-Mu in marhitei na pasaudhon harosuh-Mu humbani gogoh, pingkiran ampa sinadongannami. Tarima kasih ma Bamu Tuhan. Marhitei Kristus Jesus Tuhannami, jalo Ham ma galangan pakon tonggonami on. Amen.

P/K : (Mandodingkon) Haleluya 12:3 (do = bes)

4. Bamu sadokah ni dokahni, au on o Jesus Tuhankin,

Ham ma lah haganup ompungni, gogohku pakon artangkin,

Ai iberehon Ham darohMu, manggalar utang ni dousangku.

Ase saud martuah au jabolon-Mu

14. *Tonggo Ham Bapa Nami*

P. Ham Bapanami na i nagori atas. Sai na papansing ma goran-Mu. Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dompak hanami. Ulang hanami bobai Ham hu parlajouan. Paluah Ham ma hanami humbani pangagou.

K. *(mandodingkon)* Ai Ham do simada harajaon, pakon hagogohon, ampa hasangapon sadokah ni dokahni. Amen

BE-841
BL-423

S	1	1	.	3	4	5	5	3	4	5	.	5	.
A	5	6	.	1	1	2	<u>5 4</u>	<u>3 2</u>	1	<u>7 1</u>	<u>2 1 7</u>	1	.
T	3	3	.	6	6	7	<u>1 7</u>	<u>5 8</u>	6	<u>2 3</u>	<u>4 3 2</u>	3	.
B	1	6	.	<u>6 5</u>	<u>4 3 2</u>	<u>5 4</u>	<u>3 2</u>	<u>1 7</u>	<u>6 2</u>	5	.	1	.
	<i>Ai</i>	<i>Ham</i>		<i>do</i>	<i>si</i>	<i>ma</i>	<i>da</i>	<i>ha</i>	<i>ra</i>	<i>ja</i>		<i>on</i>	
	<i>Kar</i>	<i>na</i>		<i>Eng</i>	<i>ka</i>	<i>pu</i>	<i>nya</i>	<i>ke</i>	<i>ra</i>	<i>ja</i>		<i>an</i>	

[illegible]

S	6	.	3	3	4	4	4	4	3	.	1	.	2	.	.	.	.
A	1	2	1	7	4	2	2	7	1	.	6	.	6	.	7	.	5
T	6	4	8	6	6	6	5	5	5	.	3	.	4	.	.	.	3
B	4	2	3	6	2	1	7	5	1	2	1	7	6	5	4	3	2
	nga		pon	sa	do	kah	ni	do	kah		ni		A				men
	a	-	an,	sam-pai	sla -	ma	-	la -	ma	-	nya,		A				min.

15. Paingkatkon

P. Laho ma nasiam, janah “Hupabangkit do hanima, ase laho hanima marbuah, anjaha ase totap buahnima ai, ase ibere bannima sagala sipindoonnima humbani Bapa in marhitei goran-Ku” (Johannes 15:16)

16. Pasu-pasu

P. Jalo ham (hita) ma pasu-pasu humbani Tuhan Naibatanta:
 Ipasu-pasu anjaha iparorot Tuhan Naibata ma ham (hita). Isondangkon Tuhan Naibata
 ma bohi-Ni hu bamu (hu banta) janah maidop ma uhur-Ni mangidah ham (hita).
 Idompakkon Tuhan Naibata ma bohi-Ni hu bamu (hu banta) janah ipasorap ma damei-
 Ni bani tonduymu (tonduyta bei). Amen.

P+K. Amen, Amen, Amen!. (mandodingkon)

